

03 FEB 1997

PERUTUSAN TAHNIAH AGONG DAN PM SEMPENA HARI KEMERDEKAAN SRI LANKA

KUALA LUMPUR, 4 Feb (Bernama) -- Yang di-Pertuan Agong, Tuanku Ja'afar and Raja Permaisuri Agong, Tuanku Najihah hari ini mengirim perutusan tahniah kepada rakyat dan Presiden Sri Lanka, Chandrika Bandaranaika Kumaratunga sempena dengan hari kemerdekaan negara itu hari ini.

Baginda berdua yakin di bawah pimpinan beliau, usaha kerajaan Sri Lanka membina negara yang harmoni dan bersatu akan tercapai.

Perdana Menteri, Datuk Seri Dr Mahathir Mohamad dalam perutusan yang sama mengucapkan tahniah kepada rakan sejawatannya, Sirimavo Bandaranaike.

Dr Mahathir berharap rakyat Sri Lanka akan menikmati keamanan dan kestabilan dalam tahun-tahun akan datang.

"Saya yakin kita dapat bekerjasama dengan lebih rapat bagi memperkukuhkan perhubungan rapat yang sedia ada antara kedua-dua negara kita untuk faedah rakyat kita," kata beliau.

Menteri Luar, Datuk Abdullah Haji Ahmad Badawi juga mengirim perutusan serupa kepada rakan sejawatannya di Sri Lanka, Lakshman Kadirgamar.

--BERNAMA

ARA WAT